

Diuz Dahsaw Iq Lumz Mbouj Ndaej Haenx

Bakdou daxdaiq gou miz diuz dahsaw iq ndeu, ciengzseiz laesasa, yiengjefe.

Ndaw dah miz gyoengq baeu, cingq doxdwk, bya iq duzugngq cingq guh' angq. Bingzseiz, cungj miz lwgnyez youq ndaw dah gaeb bya, caemhcai moix baez cungj cangrim dauqma. Gij raemx diuz dahsaw iq liengzseuseu, diemzsubsub, gij vunz loh gvaq haenx cungj gvaqbae swiq naj, gwn raemx, youq henz dah yietnaiq.

Seizhah, ndataeng hoj dingx, gyoengq lwgnyez doih cungj saet roengz dahsaw iq bae bumbum, angqvauvau caemxraemx. Gou lij duet haiz, Siujdingh gaeng caeux couh saet roengz raemx bae, lumj duz byanouq ityiengh youz dwk angqvuedvued. Laeqbiz mbouj gamj saet roengzbae, Siujdungh baez nyoengx de, "budung" sing ndeu, Laeqbiz doek roengz raemx bae lo, raemx sinz rim fajnaj gou, daihgya cungj got dungx riuha. "Gaej doengh!" Laeqbiz naeuz, "laj dungx gou miz duz bya ndeu!" Daihgya angqfaengfaeng, cungj youz gvaqbae nyoengx deuz Laeqbiz. Bya deuz lo, Laeqbiz hemhyatyat. Daihgya cingq guhcaemz ndaej angq raixcaix, aenmbwn

mbouj coh vunz. "hunglunglung" byajraez baez rongx, doek fwn lo. Fwnbyaj doek ndaej vaiq, bae cix vaiq. Fwn gvaq le, hoengheiq daegbied singisien. Baezneix diuz dahsaw iq engqgya gyaunde! Raemxdah sawrikrik, gij rinreq laj dah raen ndaej yienhsag. Daj gya muengh bae, couh lumj diuz sienqngaenz utngeuj ndeu laesese, youh lumj fajfwed gyaunde! duz funghvuengz saetmbenmben. Dahsaw iq youq nditndat rubluh baihlaj, riu dwk diemzsubsub.....

Dahsaw iq lij lumj laeq lwgnyez vuedbued youh cabheiq ndeu, youq ndaw goliux buet bae buet dauq, angqfwngfwng. It loh, de fandinq-daeuj raeuzrwdrd, lumjbaenz giekcouj ndaw heiq ne angjndiengq gij bonjsaeh bonjfaenh. Dahsaw iq fatok gij sing sep rwz ndei dingq, sinz hwnj gij naedraemx sawrikrik, lumjbaenz gag ciengq gij go ndeidingq haenx, lumjbaenz gij diuqfoux angqyang haenx.

Dahsaw iq, mwngz dwg gij saenzcingz ceiq dijbauj, ceiq cinghseuq daswyenz soengq hawj dou haenx, gou ciengxlwenx lumz mbouj ndaej mwngz!

(Sez Cuiginz raiz; Goenggen hoiz)

忘不了的小清河



Lauxsae Gou

我的老师

贵港市覃塘区蒙公镇高占小学三年级 Vangz Veijhingh/黄伟兴

De miz doiq lwgda ronghliklik, aen ndaeng sangsang, de bingzciengz gyaenz daenj doiq haiz genjsang, geu vunjhau, yawj hwnjdaej aen ndang reuxredred, de couh dwg lauxsae son ban dou suyo—Cinz lauxsae.

Yienznaeuz Cinz lauxsae bingzciengz doiq dou gig yiemz, hoeng de dwg vih dou ndei. Geiq ndaej miz baez ndeu, hwnj goq suyo,Cinz lauxsae daez ok aen vwndiz ndeu heuh dou hoizdap, haujlai doengzhag yaengxfwngz siengj hoizdap, gou sim siengj: Danghnaeuz gou mbouj yaengxfwngz, gyoengq doengzhag itdingh riu gou. Yienghneix, gou hix mbeihung dwk yaengxfwngz hwnjdaej lo. Aenvih gou mbouj dwg moix baez lauxsae cam cungj yaengxfwngz, ndigah lauxsae yawjraen gou yaengx fwngz couh heuh gou ndwn hwnjdaej hoizdap. Gou dingqny lauxsae heuh, simvueng dwk ndwn hwnjdaej, ajbak baenz buenqngoeng cungj dap mbouj ok, gyoengq doengzhag cungj daengxda yawj coh gou, gou najmong dwk ngaem gyaen roengzbae, lauxsae cijndei heuh gou naengh roengzdaej.

Roengzdangz le, Cinz lauxsae byaij daengz henz ndang gou, laeglemx cam: "Daxbaenh mwngz yaengxfwngz hwnjdaej vih maz mbouj guhsing ha?" Gou youh naj hoengz lo, saeqsing naeuz: "Haujlai doengzhag cungj yaengxfwngz hwnjdaej, gou lau daihgya riu gou huk, ndigah hix gaen dwk yaengxfwngz hwnjdaej lo." Cinz lauxsae sing unq doiq gou naeuz: "Baezlaeng mwngz rox dap couh yaengx fwngz swix, mbouj rox dap couh yaengx fwngz gvaz. Neix dwg aen mimiz song boux raeuz bw." Gou dingq le gig gamjdoengh, gou laihnaeuz Cinz lauxsae aeu naeuz gou diuqbeiz, guhlueh goqdangz, yaek bihbingz gou mbat ndeu ne, siengj mbouj daengz lauxsae gig aeu naj gou, gou gietsim aeu ndeindei hagsib, ngoenzngoengz doxhwnj.



Cinz lauxsae, mwngz sinhoj lo, docih mwngz! Gou itdingh mbouj hawj mwngz saetmuengh.

(lauxsae son-gyauq Cinz Cinhdonz/覃珍团)

Lwgvuengziq

小王子

bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

Gangj sat le de youh dauqbae henz ndang duznyaenma.

"Raen moq!" Lwgvuengziq naeuz.

"Raen moq!" Duznyaenma naeuz, "Ne! Neix couhdwg baexmaed gou: Aeu sim bae yawj cingq yawj ndaej seuq. Gijcaen aeu lwgda bae yawj yawj mbouj raen go."

"Gijcaen aeu lwgda bae yawj yawj mbouj raen." Lwgvuengziq riengz gangj coenz vah neix, yienghneix de cingq geiq haeuj sim bae.

"Couhdwg aenvih mwngz yungh seizgan lailai youq gwnz ndang duj vameizgveiq mwngz, duj vameizgveiq mwngz doiq mwngz daeuj gangj cingq youqgaenj baenzneix."

"Gou yungh seizgan lailai youq gwnz ndang duj vameizgveiq gou....." Lwgvuengziq riengz gangj coenz vah neix, yienghneix de cingq niemhhaeuj sim bae.

"Vunzlai senq lumz gvaq aen dauhleix neix lo." Duznyaenma naeuz, "Mwngz gaej lumz de bae bw, mwngz deng dawzrap gij doxgaiq mwngz gunx gvaq haenx. Mwngz deng dawzrap duj vameizgveiq mwngz....."

"Gou deng dawzrap duj vameizgveiq gou." Lwgvuengziq riengz gangj coenz vah neix, yienghneix de cingq niemh haeuj sim bae.

Ngeihcib Ngeih

"Gyanghaet ndei!" Lwgvuengziq

dongx naeuz.

"Gyanghaet ndei!" Bouxmbekroen naeuz.

"Mwngz youq gizneix guhmaz ne?" Lwgvuengziq cam naeuz.

"Gou diuhdoh bouxnaenghci go! Baenz cien boux vunz guh buek ndeu." Bouxmbekroen han naeuz, "Gou baijsoengq gij cifeiz coux gyoengqde haenx okbae, miz mbangj gvaq baihgvas, miz mbangj gvaq baihsuix."

Seizneix, aen cifeiz daeng dawz ronghndongq ndeu hai gvaqbae fofu, sing gok dwk rwz yaek nuk bae, saengq aenrug'iq duh bouxmbekroen yaek doemqlak bae.

"Gyoengqde nyaengqnyatnyat bw!" Lwgvuengziq naeuz, "Gyoengqde nyaengq guh gijmaz ne?"

"Bouxhaici aiq goj mbouj rox ne." Bouxmbekroen naeuz.

Aen cifeiz daeng dawz ronghndongq ndeu hai bae fofu coh baihdauqnyangz.

"Gyoengqde guhlawz youh dauqdaej lene?" Lwgvuengziq cam naeuz.

"Gyoengqde mbouj dwg gyoengq boux haxbaenh de go!" Bouxmbekroen naeuz, "Cifeiz neix mbangj hai doxbae, mbangj hai doxdaug go!"

"Biengz gaeuq gyoengqde youq mbouj habhoz ma?" Lwgvuengziq cam naeuz.

"Mbouj miz bouxlawz habhoz biengz gaeuq go!" Bouxmbekroen han naeuz.

(31)